



**Francisci Monacelli Eugubini J. U. D. Protonotarii
Apostolici, olim Venusinæ, postea Æsinatis, ac demùm
Parmensis Ecclesiæ Vicarii Generalis, &c. Formularium
legale practicum Fori Ecclesiastici**

in quo formulæ expeditionum usufrequentium de his, quæ pertinent ... ;
cum appendice plurium constitutionum apostolicarum

Formularii Legalis Practici Fori Ecclesiastici Supplementum - In Quo Non
Solum Omnes Feré Formulæ, quæ in præcedentibus tribus Libris
continentur, novis quamplurimis adnotationibus Legalibus Practicis, ac
Sacrarum Congregationum Responsis roborantur; verùm etiam nonnullæ
aliæ, quæ ad Operis ...

Monacellus, Franciscus

Venetiis, 1732

Attestationis lecturæ factæ Cons. Apost.

[urn:nbn:de:hbz:466:1-62442](https://nbn-resolving.org/urn:nbn:de:hbz:466:1-62442)

F O R M U L A

*Attestationis de lectura facta Constit.
Apost. ad S. Offic. spectan.*

Ego infra scriptus Superior Conventus N. loci N. fidem facio, sexta feria post octavam Assumptionis B. Mariæ Virginis in publica Mensa lectas fuisse Constitutiones Apostolicas ad Officium Sanctissimæ Inquisitionis spectantes, meque omnes PP. & Religiosos ejusdem Conventus de injuncta observantia earundem, & decretorum ad Sanctum Officium Inquisitionis de Urbe pertinentium, ad formam præscriptam in decreto hac de re edito jussu san. mem. Urbani VIII. commonuisse, in quorum, &c. Datum, &c.

Locus † Sigilli.

N. Prior Conventus N.

Eod. tit. 3. form. 3. pag. 228.

127 *Num. II. ver. prout est in Beneficiato.* Canonicus inquisitus, ad effugiendam carcerationem se absentando à residentia donec expediatur processus, & declarato, quod non sit reus cum rescripto: *Ex hactenus deductis, vel non molestetur*: non perdit fructus Canonicatus, neque distributiones, *Sac. Congreg. Concilii in Gravinem. 24. Julii 1604. in Arianen. 24. Aprilis 1683. in Theatina 19. Novembris 1707. & in Reatina 5. Maji 1708.* in qua favore Canonici Petrozzi fuit rescriptum. *Deberi usque ad diem obrenti decreti, non molestetur.*

128 Secus si esset Clerici publicus percussor, & tanquam Excommunicatus Choro non interesset, nam tunc non posset tempus absentia computare in tempus vacationis Canonicis à Concilio concessæ, nec lucrari redditus Canonicatus, ut eadem Sac. Congreg. declaravit in alia *Reatina 8. Maji 1657.*

Canonicus autem in Urbe commorans, si deputeretur ab Episcopo suo ad visitandum limina, debentur ei distributiones unius mensis, *Sac. Congreg. Concilii in Vigilien. 6. Jan. 1682.* si verò Episcopum ad visitandum limina comitasset, tunc distributiones debentur pro toto tempore accessus, mansionis, & recessus, *eadem Sac. Congreg. in Comen. 28. Augusti 1688. lib. 38. Decret. fol. 284.*

Eod. tit. 3. form. 6. pag. 233.

Num. 5. Episcopus potest cogere Clericos Beneficiatos ad interessendum Processionibus publicis, *Sac. Congreg. in nullius Altamura 26. Martii 1678. lib. 30. Decret. fol. 47.* etiam censuris, quamvis non probetur consuetudo accedendi, dummodo censura sint comminatoria, ferenda sententia, & in subsidium, eadem *Sac. Congreg. in Surrentina 6. Augusti 1689.* Non potest tamen cogere Canonicos ad interessendum Processioni, quæ fit tertia Dominica Mensis, *Sac. Congreg. Conc. in Sarnen. 27. Junii 1705. in responsione ad 7.*

Num. 7. Licet PP. Capuccini possint retinere, & processionaliter etiam deferre Imagines S. Antonii Paravini in habitu Capuceini: non possunt tamen subius Imagines ejusdem S. Antonii, vel Sancti Francisci de Assisio depictas, sculptas, vel impressas cum eodem habitu apponere, & retinere inscriptiones indicantes illas esse effigies dictorum Sanctorum cum veriori forma habitus ipsius S. Francisci, sed moniti, debent illas delere, & cancellare, ut jussit *Sac. Congreg. Rit. in Neocastren. 22. Januarii 1707.*

Eod. tit. 3. form. 9. pag. 241.

Num. 2. Possessio Canonicatus quomodocumque capta etiam non capitulariter, est manutenibilis, quando capitulum possessionem capi denegat, vel impedit sine justa causa, *Barbos. de Canon. cap. 15. num. 13. Rot. in Leodiens. sen*